

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 18. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 144. sjednici, održanoj dana 04.03.2022. godine, d o n o s i

ZAKLJUČAK

I.

Prihvata se Izvještaj o radu Upravnog odbora Agencije za privatizaciju Zeničko-dobojskog kantona za 2021. godinu.

II.

Izvještaj iz tačke I. sastavni je dio ovog zaključka.

III.

Zaključak stupa na snagu danom donošenja.

Broj: 02-_____/22
Datum, 04.03.2022. godine
Zenica

PREMIJER

Mirnes Bašić

DOSTAVLJENO:

1x Agencija za privatizaciju Zeničko-dobojskog kantona,
1x Ministarstvo za privredu,
1x Upravni odbor Agencije za privatizaciju Zeničko-dobojskog kantona,
1x a/a.

UPRAVNI ODBOR
Agencije za privatizaciju
Zeničko-dobojskog kantona

IZVJEŠTAJ O RADU

UPRAVNOG ODBORA AGENCIJE ZA PRIVATIZACIJU
ZENIČKO-DOBOJSKOG KANTONA ZA 2021. GODINU

februar/veljača 2022. godine

SADRŽAJ

1. Uvod	3
2. Izvršenje programskih ciljeva Agencije	4
3. Normativni dio	5
4. Studijsko-analitički dio	5
5. Ostali poslovi i zadaci	5
6. Ocjena stanja i programska orijentacija.....	6

I – UVOD

Odredbama člana 10. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17), je propisano da Agencijom za privatizaciju Zeničko-dobojskog kantona upravlja Upravni odbor Agencije za privatizaciju Zeničko-dobojskog kantona.

Prema članu 13. navedenog Zakona, Upravni odbor Agencije za privatizaciju Zeničko-dobojskog kantona (u daljem tekstu: Upravni odbor Agencije), donosi Statut i druge opće akte, Poslovnik o radu, akta o unutarnjem ustrojstvu Agencije, finansijski plan i program, razmatra i usvaja završni račun i izvještaj o radu Agencije, odobrava početni bilans i program privatizacije preduzeća, donosi metodologiju i druga opća akta iz nadležnosti Agencije suglasno zakonu, osniva komisije i radna tijela Agencije, te obavlja i druge poslove saglasno zakonu i statutu Agencije.

Prema članu 13. stav 2. Zakona o Agenciji za privatizaciju Zeničko-dobojskog kantona, statut, akta o unutarnjem ustrojstvu Agencije, finansijski plan i program, donose se uz saglasnost Vlade Zeničko-dobojskog kantona.

Temeljem odredbi člana 14. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), propisane su nadležnosti Upravnog odbora Agencije, koji u odnosu na nadležnosti propisane Zakonom o Agenciji za privatizaciju Zeničko-dobojskog kantona, između ostalog propisuju, da Upravni odbor Agencije donosi Pravilnik o plaćama i drugim primanjima radnika, te odluku o naknadama za rad i angažman članova organa Agencije (Upravni odbor i Nadzorni odbor Agencije), koji akti se donose uz suglasnost Vlade Zeničko-dobojskog kantona, shodno stavu 2. navedenog člana Statuta Agencije za privatizaciju Zeničko-dobojskog kantona.

Upravni odbor Agencije za privatizaciju Zeničko-dobojskog kantona, imenuje Vlada Zeničko-dobojskog kantona, i za svoj rad je odgovoran Vladi Kantona.

Tokom prošle godine, u šestom mjesecu istekao je dvogodišnji mandat sazivu Upravnog odbora Agencije imenovanog Rješenjem Vlade Zeničko-dobojskog kantona o konačnom imenovanju Upravnog odbora Agencije, broj: 02-34-9565/19 od 06.06.2019. godine, u sastavu:

1. Jasminka Biogradlija, predsjednica,
2. Ivo Majstorović, član i
3. Edina Alić, član.

Istekom mandata, imenovani su, na iste funkcije postavljeni Rješenjem Vlade Zeničko-dobojskog kantona, broj: 02-30-4573/21 od 16.06.2021. godine, na kraći period, odnosno do konačnog imenovanja.

Rješenjem Vlade Zeničko-dobojskog kantona, broj: 02-30-15072/21 od 11.11.2021. godine, za predsjednika i člana Upravnog odbora Agencije, na period od 2 (dvije) godine, konačno su imenovani:

1. Jasminka Biogradlija, predsjednica i
2. Ivo Majstorović, član.

Konstituirajuću sjednicu, Upravni odbor Agencije u novom mandatu je održao dana 23.11.2021. godine.

Napominje se, da je Rješenjem Vlade Zeničko-dobojskog kantona, broj: 02-30-860/22 od 13.01.2022. godine, uslijedilo konačno imenovanje drugog člana Upravnog odbora Agencije, kojim Rješenjem je, na tu poziciju imenovan Zahid Piljug.

U toku 2021. godine, Upravni odbor Agencije održao je jedanaest (11) redovnih sjednica, u okviru kojih je razmatrao ukupno 44. tačke dnevnog reda, te donio jedanest (11) zaključaka i jednu odluku. Upravni odbor Agencije tokom prošle godine, nije održao redovnu sjednicu u mjesecu oktobru, zbog vakuma u postupku imenovanja te pozicije.

Svi zaključci i odluke, koji su doneseni na sjednicama Upravnog odbora, su usvojeni jednoglasno.

II - IZVRŠENJE PROGRAMSKIH CILJEVA AGENCIJE

Osnovni ciljevi Agencije za privatizaciju Zeničko-dobojskog kantona (u daljem tekstu: Agencija), definirani su Programom rada Agencije za 2021. godinu, i isti predstavljaju nastavak aktivnosti iz ranijeg perioda, odnosno nastavak aktivnosti iz 2020. godine.

Upravni odbor Agencije je vršeći svoja ovlaštenja, istrajavao na što uspješnijem ostvarenju ciljeva i zadataka sadržanih u Programu rada Agencije za 2021. godinu.

2.1. Privatizacija

U toku 2021. godine, objavljena su četiri (4) javna poziva za prodaju putem aukcije i neposredne pogodbe predmeta u maloj privatizaciji u vlasništvu prodavca TP „Nova trgovina“ d.d. Žepče i „Natron“ dd Maglaj.

Uspješno je okončana prodaja dva predmeta putem aukcije u vlasništvu preduzeća TP „Nova trgovina“, koji se nalaze u Begovom hanu i u Ljeskovici, općina Žepče.

Jedan predmet je prodat u trećem pokušaju metodom neposredne pogodbe u vlasništvu „Natron“ Maglaj dd, koji se nalazi u naselju Omerdino polje, općina Maglaj.

U protekloj godini, nije došlo do prodaje predmeta iz veterinarske i komunalne djelatnosti, kao ni predmeta iz velike privatizacije, iz razloga, koji se ponavljaju iz prethodne 2020. godine.

2.2. Kontrola obaveza iz kupoprodajnih ugovora

U Registru aktivnih kupoprodajnih ugovora Agencije iz velike privatizacije, sve do sredine prošle godine, evidentan je bio Ugovor o kupoprodaji predmeta tendera T-32-01 preduzeća „Velepromet-Zenica“ dd Zenica, čija je kontrola obustavljena tokom 2018. godine, zbog sprovođenja istražnih radnji od strane Kantonalnog tužilaštva Zeničko-dobojskog kantona, koje su se vodile protiv odgovornog lica u pravnom licu - „Trgomarket“ doo Zenica, koji je kupac po navedenom ugovoru, zbog sumnji da je počinio krivično djelo, koje se dovodi u vezu sa izvršenim ulaganjima u preduzeće „Velepromet-Zenica“ dd Zenica u periodu realizacije predmetnog Ugovora.

Postupajući u skladu sa ovlaštenjima propisanim Pravilnikom o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine („Sl. novine Federacije BiH“, broj: 52/09 i 5/11), na zahtjev kupca da mu se izda uvjerenje o uzvršenim obavezama iz predmetnog ugovora prema dostavljenom Izvještaju nezavisnog revizora „Expert“ doo Zenica, a u vezi sa saznanjem da Kantonalno tužilaštva/tužiteljstvo Zeničko-dobojskog kantona, u predmetu pod pod poslovnim brojem: T04 0 KTK 0028979 18, vodi istragu protiv lica M.A., vlasnika i osnivača TUD „Trgomarket“ doo Zenica, Agencija je u dva navrata donosila zaključak o prekidu postupka za izdavanje uvjerenja, do okončanja navedenog krivičnog postupka.

Nakon što je u upravnom sporu, po tužbi kupca „Trgomarket“ doo Zenica, donesena presuda Kantonalnog suda u Zenici, broj: 04 0 U 011792 20 U od 22.09.2020. godine, kao i rješenja nadležnog drugostepenog organa-Ministarstva za privredu/gospodarstvo Zeničko-dobojskog kantona, broj: 04-15-127/21 od 13.05.2021. godine (donesenog u postupku po njegovoj žalbi protiv zaključka Agencije o prekidu postupka broj: 15-03-01-64/21 od 02.04.2021.g.), Agencija je dana 24.06.2021. godine, kupcu “Velepromet-Zenica” dd Zenica, izdala uvjerenje o izvršenim obavezama iz predmetnog kupoprodajnog ugovora.

O svim aktivnostima u navedenom predmetu, Upravni odbor Agencije je upoznat Zaključkom, broj: 15-01-81/21 od 27.07.2021. godine.

III - NORMATIVNI DIO

3.1. Upravni odbor Agencije je utvrdio prijedlog Finansijskog plana Agencije za 2021. godinu, Zaključkom broj: 15-01-69/21 od 22.03.2021. godine, na koji je Vlada Zeničko-dobojskog kantona dala saglasnost, Zaključkom, broj: 02-11-9968/21 od 13.07.2021. godine.

Programiran propis: da.

IV – STUDIJSKO-ANALITIČKI DIO

4.1. Upravni odbor Agencije je Zaključkom, broj: 15-01-68/21 od 22.03.2021. godine, usvojio Izvještaj o radu i poslovanju, toku i rezultatima procesa privatizacije Agencije za 2020. godinu, na koji je Vlada Zeničko-dobojskog kantona dala saglasnost, Zaključkom, broj: 02-15-9967/21 od 13.07.2021. godine.

Programiran propis: da.

4.2. Upravni odbor Agencije je Zaključkom, broj: 15-01-70/21 od 22.03.2020. godine, utvrdio prijedlog Programa rada Agencije za 2021. godinu, na koji je Vlada Kantona dala saglasnost, Zaključkom, broj: 02-30-9969/21 od 13.07.2021. godine.

Programiran propis: da.

4.3. Upravni odbor Agencije je Zaključkom, broj: 15-01-71/21 od 22.03.2021. godine, utvrdio Izvještaj o radu Upravnog odbora Agencije za 2020. godinu, koji je Vlada Kantona prihvatila Zaključkom, broj: 02-30-9966/21 od 13.07.2021. godine.

Programiran propis: da.

V – OSTALI POSLOVI I ZADACI

5.1. Upravni odbor Agencije, u skladu sa nadležnostima propisanim zakonom i statutom, temeljem Zakona o računovodstvu i reviziji u Federaciji Bosne i Hercegovine, je Odlukom broj: 15-01-64/21 od 18.02.2021. godine, usvojio Godišnji finansijski izvještaj Agencije za 2021. godinu. Predmetni izvještaj je dostavljen na uvid i dalje postupanje Finansijsko-informatičkoj agenciji, Poslovna jedinica Zenica i Ministarstvu finansija Zeničko-dobojskog kantona.

5.2. Upravni odbor Agencije je Zaključkom broj 15-01-61/21 od 21.01.2021. godine, odbio zahtjev TUD "Trgomarket" doo Zenica, kupca po Ugovoru o kupoprodaji predmeta tendera T-32-01 „Velepromet-Zenica“ dd Zenica, do pravomoćnog okončanja predmeta, koji se vodi pred Kantonalnim sudom u Zenici, pod brojem: T04 0 KTK 0028979 18, protiv lica M.A., direktora i vlasnika TUD "Trgomarket" doo Zenica, osumnjičenog za nezakonite radnje koje se dovode vezu sa izvršenim ulaganjima u preduzeće „Velepromet-Zenica“ dd Zenica.

5.3. Zaključkom, broj: 15-01-83/21 od 11.08.2021. godine, Upravni odbor Agencije je usvojio Izvještaj o izvršenju Finansijskog plana Agencije za period januar-juni 2021. godine.

5.4. Upravni odbor Agencije je Zaključkom broj 15-01-64/21 od 18.02.2021. godine, usvojio Izvještaj o provedenom postupku po Javnom pozivu broj: 68. za učešće na aukcijskoj prodaji predmeta u maloj privatizaciji, kao i Informaciju o provedenom postupku po Javnom pozivu broj: NP-114 za prodaju imovine u vlasništvu „Natron“ Maglaj dd metodom neposredne pogodbe, Zaključkom broj: 15-01-84/21 od 11.08.2021. godine.

5.5. Zaključkom, broj: 15-01-05/21 od 16.12.2021. godine, Upravni odbor Agencije je primio na znanje Informaciju o stanju sudskih postupaka u kojim je stranka u postupku Agencija za privatizaciju Zeničko-dobojskog kantona (stanje na dan 13.12.2021.g.).

VI – OCJENA STANJA I PROGRAMSKA ORIJENTACIJA

Rad i poslovanje Agencije za privatizaciju Zeničko-dobojskog kantona u 2021. godini, odvijali su se u skladu sa zakonskim propisima, općim aktima Agencije, stavovima Vlade Zeničko-dobojskog kantona, te zaključcima Upravnog odbora Agencije za privatizaciju Zeničko-dobojskog kantona.

Direktor Agencije se pridržavao preporuka, zaključaka i odluka Upravnog odbora Agencije.

Umanjeni i nedovoljni predmeti privatizacije sa izvjesnim zastojem u toku privatizacije, nisu posljedica rada Agencije, nego utjecaja niza faktora, počev od nepovoljnog poslovnog ambijenta, nedonošenja propisa koji bi usmjerili privatizaciju preduzeća iz javne djelatnosti, nedefinisane ponude, odnosno predmeta privatizacije i sl.

Finansijski izvještaji su istinito i objektivno prikazali finansijski položaj i rezultate Agencije za privatizaciju Zeničko-dobojskog kantona.

**Predsjednica Upravnog odbora
Agencije za privatizaciju
Zeničko-dobojskog kantona**

Jasminka Biogradlija